

## Rogaziun federala

Ina gronda tradiziun ed in impurtont di duront igl onn ei la tiarza dumengia el meins da settember, il di da rogaziun federala. Sur las confessiuns ora, festiveschan tut las baselgias cristianas, sco era la cuminonza „cultus israelits“ il di da Rogaziun.



En quei firau, ordinaus dil stat, vegn buca celebrau ina fiasta da nosa cardientscha, mobein essan nus envidai communablamein d'engraziar, far oraziun e penetienza per nosa biala tiara e ch'il Segner pertgiri nosa patria vinavon da tut il mal. Nus vulein tener en honor quella fiasta.

Ils politichers s'engaschan che nus pudein viver en pasch e concordia. Nus lein denton era rugar Niessegner, ch'el regali als responsabels la forza e la sabientscha per trer las dretgas decisiuns. Nus essan envidai perquei oravontut il di da Rogaziun per far oraziuns en nosa baselgia avon il Sontgissim.

Adina dapliras persunas han ozildi ina fleivla relaziun per l'adoraziun avon il Sontgissim. Ei quella fuorma oz anti-quada? Na, sche nus capin e practichein endretg l'adoraziun ei quella aunc adina da gronda muntada per il profund sentiment el cor dil carstgaun. Tgi che anfla e senta cheutras il contact cun Diu, quel daventa in carstgaun che segida da mantener la scaffiziun marvegliusa dil Tutpussent.


L'adoraziun eucaristica envida:

- per la veneraziun avon il sacrament; schar contemplar da Jesus Cristus

- per la consideraziun dalla carezia da Cristus tier nus
- per la quieteiza (oravontut lu, cu agens plaids mauncan)
- per la presentaziun dalla veta cun tut ils plaschers, quittaus e pansieris avon la fatscha da Diu
- per la supplica plein confidanza
- per gl'engraziament per tut il bien, per la ventira dalla cardientscha, per la speranza e per la carezia
- per la remessa ella cuminonza mundiala da tuts clamai entras Cristus.

## Carezia zuppada - Diu zuppau

Diu ei oz pli che zacu, il marveglius sogn, che sezuglia ellas mudestas fuormas da nosa liturgia. En tgei havess Diu saviu zuppentar pli humiliteivel che davos in toc paun ed in pèr daguots vin? „*Sacrament da tal'altezia lein undrar fideivlamein. Il grond segn da pasch, carezia, celebrar ensemblamein: Crer a Diu dat segirezia, fa nus salv cumpleinamein.*“



E sco havess el mussau meglier a nus la humilitonza e grondezia auter ch'en quella preschientscha mudesta. „*Jesus Diu-carstgaun mida en siu agen tgierp il paun; maunca era la vesida, stai cartents a Diu, carstgaun!*“

Sper il Sontgissim, ei Diu era en sia palentada en Jesus Cristus, ella quala el ha buca saviu palesar meins ch' il Diu dalla carezia, in Diu zuppau. Pli gronda che la carezia a nus demussada ei, e pli vasta e cheutras aunc pli zuppada ch'ella semuossa. Lein adina puspei encurir e scuvierer Diu cun cor sincer.

Sur Peter

## Informaziuns per Laax

Communiun dils malsauns: Mesjamna, ils 16-09-09 **suentermiezd**

**Devoziun per ils pigns e lur mummas, cordial invit** per mesjamna, ils 09-09-09 allas 16.00h en baselgia.

### Fiasta dil s. Batten:

Dumengia, ils 27-09-09 allas 11.30h ei il s. Batten da Rabea, feglia da Marcel ed Isabel Albin. Nus gratulein alla famiglia e giavischein bien sustegn e ventira ella cuminonza cristiana.



### Fiasta da Nozzas:

Nus gratulein a Martina Wyss ed Adrian Schmid sin lur fiasta da nozzas che ha liug sonda ils 5 da settember 2009 a Laax. Nus giavischein bia cletg, ventira e buna convivenza ella veta matrimoniala.

### Rogaziun federala

La dumengia da Rogaziun dat a nus la caschun d'engraziar per nossa patria ed ils beins che Dieus regala di per di. Las uras d'adoraziun ein las suandontas:

<b>10.45h</b>	<b>Messa festiva</b>
11.45h - 12.30h	Spendas / Geinas / Tului su / Cons
12.30h - 13.30h	Crest / Tului sut / Val
13.30h - 14.30h	Via principala / Larisch / Via Selva
14.30h - 15.30h	Davos Baselgia / Via Streia / Via Falera
15.30h - 16.30h	Fau / Grava / Fandrels
<b>16.30h</b>	<b>Viaspras e reposiziun</b>

### Communicaziun per omisduas pleivs

Las pleivs da Laax e Falera han contribuui ina summa totala da 8'875.-- francs alla campagna « unfrenda da Cureisma 2009 ». In grond « Dieus paghi » !

## Informaziuns per Falera

Communiun dils malsauns: Gievgia, ils 03-09-09 **suentermiezd**  
Gievgia, ils 17-09-09 **suentermiezd**

**Devoziun per ils pigns e lur mummas, cordial invit** per mardis, ils 08-09-2009 allas 16.00h en baselgia.

### Fiasta dil s. Batten:

06-09-09 allas 11.30h ei il s. Batten a s. Rumetg da Raguel Adriana feglia da Miguel Llorente e Sandra Schindler. Nus gratulein alla famiglia e giavischein bien sustegn e ventira ella cuminonza cristiana.

### Nozzas a s. Rumetg:

Ils 12-09-09 festiveschan Seraina Sgier e Gian Willi  
ils 19-09-09 festiveschan Livia Steigmeier e Paul Philipps ed  
ils 26-09-09 festiveschan Mirjam Sarasin e Raphael Marty  
lur nozzas. Nus giavischein a tuts nozzadurs ventira e buna convivenza ella veta matrimoniala.

### Perdanonza

Uonn festivein nus danovamein la fiasta da Perdanonza la secunda dumengia da settember, ils 13 da settember gest suenter il di dil num da Maria che vegn commemoraus ils 12 da settember. Duront il priedi dils 13 da settember ein ils affons pigns cordialmein envidai en teschamber per tedlar leu ina historia dalla Bibla. Suenter la processiuin envida la Vischnaunca burgheisa tier in aperitiv en honor da Ignaz Cathomen, che vegn undraus sco burgheis d'honor. Nus gratulein cordialmein a nies president dalla Pleiv per quella beinmeritada undrientscha.

### Aduraziun per la dumengia da Rogaziun federala

17.30h recitein nus il rusari e dallas  
18.00h entschevein nus cun la devoziun dalla Rogaziun che finescha cun la benedicziun dil Sontgissim. Nus envidein tuts parochians, familias ed affons da prender la caschun d'engraziar a Diu per ils beins e la benedicziun che nus retschevein di per di ord sia gronda buontad.

# FEGL PAROCHIAL PFARREIBLATT LAAX – FALERA

Settember/ September  
2009



## Uffeci parochial / Kath. Pfarramt

Via principala 68, 7031 Laax, Plevon: Sur Peter Aregger,  
Tel. 081 921 41 12, E-mail: aregger.peter@bluewin.ch  
Secretaria dallas pleivs: Natalia Gliott Tel. 079 283 45 80  
E-mail: kath.kirche.laax@bluewin.ch  
Adressa d'internet: [www.pleiv-laax-falera.ch](http://www.pleiv-laax-falera.ch)

## Reformiertes Pfarramt Sagogn-Laax-Falera

Pfarrer Thorsten Minuth, Encarden 24, 7152 Sagogn.  
Tel. 081 921 68 55, e-mail: minuth@kns.ch

*Evang. Kirchgemeinde Sagogn / Laax / Falera*

September	
6.	9.30 Sagogn: Pfr. Minuth, Vorstellung der neuen Präparanden und der Konfirmanden, Predigt: Das 4. Gebot, Kollekte: Stiftung Schalotas Scharanz
13.	20.00 Sagogn: survetsch divin romontsch, Ser Felix Meier, Kollekte: Partnerschaftsprojekt MBARA OZIOMA Disentis / Cadi
20.	10.00 Uhr Sagogn: Abendmahlsgottesdienst zum eidgenössischen Dank-, Buss- und Betttag, Predigt: Das 5. Gebot, Bettagskollekte
27.	9.30 Sagogn: Pfr. Minuth, Predigt: Das 6. Gebot, Kollekte: Gib e Geiss

Wir organisieren für alle Interessierten aus Laax und Falera einen Fahrdienst zu den Gottesdiensten nach Sagogn. Bitte melden Sie bei Interesse jeweils bis Freitag vor dem Gottesdienst im Pfarramt (081 921 68 55).

*„Lasst uns ... allen Menschen Gutes tun, am meisten aber denen, die uns im Glauben verbunden sind.“ Gal 6.10*

Dieses Jahr sammeln wir in unseren Gottesdiensten einmal im Monat für die Aktion des Hilfswerks der evangelischen Kirchen in der Schweiz „Gib e Geiss“. Bisher haben wir den Gegenwert von 36 Geissen (a 30 Sfr) zusammenbekommen. – die Geissenherde auf dem kleinen grünen Plakat in unserer Kirche wächst. Die Kollekte ist ein unaufgebbarer Teil des christlichen Gottesdienstes: neben dem Hören auf Gottes Wort, dem Gebrauch der Sakramente und dem öffentlichen Beten und Bekennen, gehört das Almosen – das Abgeben und Teilen weltlicher Güter – unverzichtbar zur Feiertagsheiligung. Denn im Glauben geht es um uns **in** der Welt: Die wirtschaftliche und geistliche Not unserer Geschwister und unserer Mitmenschen gehört in den Gottesdienst: In Klage und Fürbitte und in Konkrete Hilfe. Ein Glaube, der das vergisst ist tot.

Einen lebendigen Glauben wünscht Ihnen

Ihr Pfarrer Thorsten Minuth